



Dette er den heilt rette staden å hengja opp stadnamna på. Det sa rektor ved skulen Marie Elisabeth Kaldestad då Kristian Olav Bringedal i ettermiddag overrekte til henne ei liste over stadnamn i bygda med teikning som viser kva som heiter kva. Det ho sikta til var at både elevar og lærarar er svært flinke til å utnytta nærmiljøet. Dei to sit med lista på biletet over.

Thor H. Myklebust laga oversikten i 2008 saman med Bringedal og dei har sidan venta på å finna ein høveleg plassering. At namna no har fått ein tilnærma offisiell form er viktig, for også her i Uskedalen er det ein nærmast evig debatt om stavemåtar.

Til dømes er det med lista no slått fast at bygdas høgaste og stoltaste fjell heiter Nåso. På den andre sida må ein foreta visse justeringar av lista her og der - det er såleis nødvendig for å få dei rette namna innanfor Nåso-massivet. Og kjenner vi slike spørsmål rett, dukkar det nok opp fleire alternativ etter kvart-

Tekst og foto: Ola Matti Mathisen